



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

§. I. Prima difficultas resolvitur

[urn:nbn:de:hbz:466:1-78232](#)

vet voluntatem quoad exercitum; non ad ipsam electionem, quæ est causa imperij; sed ad aliurn actum distinctum, scilicet ad usum activum, quod potentia externa applicantur ad executionem mediorum.

Sicutem quæras, cur voluntas, quæ est primum movens quantum ad exercitum, ad hujusmodi actum seipsum sine interventu imperij movere non possit?

Respondeo hoc pervenire ex eo quod, licet habeat virtutem ad movendum se, & alias potentias, absolute, non tamen per modum ordinations; hoc enim est proprium intellectus, cuius est ordinare unum ad aliud, ut magis patebit ex infra dicendis.

Objicitur tertio: Si imperium esset necessarium ad usum activum, sequeretur istum actum non esse liberum, sed necessarium: Consequens est fallit: Ergo &c. Sequela probatur: Necesitas antecedens tollit libertatem ab actu quem antecedit: At si imperium sit necessarium ad usum, inducit necessitatem antecedentem tam actum: Ergo ejus libertatem destruet. Probatur Minor: Necesitas se tenens ex parte actus primi, est necessitas antecedens; unde visio beatitudinis est in patria ad amorem, quia ex parte actus primi se tenet, & necessitatem inducit: At imperium se tenet ex parte actus primi regulans usum, & aliunde ex illo necessitatem sequitur: Ergo in illum actum necessitatem antecedentem inducit.

Respondeo negando sequelam. Adprobationem nego Minorem. Ad hujus verò probationem, distinguo Majorem: necessestas se tenens ex parte actus primi, est necessitas antecedens; si proveniat ex aliquo actu consecuto ad nostram libertatem, & in illa contento, nego Majorem: Si non ita contingat, transfeat Major, & sub eadem distinctione Minoris, nego Consequentiam. Nam licet posito imperio usus necessario sequatur, & licet imperium se teneat ex parte actus primi; quia tamen ad electionem liberam sequitur, & in nostra potestate constitutum est, hinc sit ut non inducat necessitatem antecedentem, libertati contrariam, sed consequentem tantum, seu infallibilitatis, quæ libertatem compatitur.

Objicitur quarto: Cum quis intendit, eligit, vel similes actus producit, illos in seipso experitur: Sed actum imperij nullus experitur in se: Ergo talis actus est ficticius.

Respondeo negando Minorem: Licet enim rudes & indocti non experiantur, nec discernant hujusmodi imperium, bene tamen docti & prudentes, quando ad id advertunt. Vnde Propheta cum propria anima loquens, & eam determinans & stabilens in bono, sic ait Psalm. 114. *Converte anima mea in requiem tuam: & Psalm. 42. Quare tristis es anima mea? & quare conturbas me? spera in Deo.* Et Augustinus ubi supra, ejusdem ad seipsum duplex agnoscit imperium; unum perfectum & efficax, quod semper sortitur effectum; & aliud imperfectum & fluctuans, quod sibi plenè non subjicit mentem. Et tamen advertendum, quod cum talis actus velocissime transeat, raro ad illum advertimus: sicut etiam, ob eandem rationem, alii actus tam intellectus quam voluntatis, ut dictio, usus activus, & similes, non percipiuntur a nobis.

ARTICVLVS III.

Vtrum imperium sit actus rationis.

& quis?

§. I.

Prima difficultas resolvitur.

Dico primò: Imperium est substantialiter actus intellectus presupponit tamen necessarium actum voluntatis. Ita D. Thomas hic art. i. & alij Thologi communiter, contra Durandum, Henricum, & Almainum, qui docent esse actum voluntatis, supponentes actum rationis; & contra Gregorium & Richardum, qui volunt esse quid compositum equaliter ex actu utriusque potestia: in quam sententiam inclinat etiam Suarez lib. 10. de legibus cap. 5. Conclusionis autem procedit non solum de imperio monastico, de quo egius articulo precedenti, sed etiam de politico, quod princeps & superior imperat sibi inferioribus & subditis, de quo agitur in materia de legibus.

Probatur prima pars: Primò quia imperium est præcipitus actus prudentiae, ut ex Aristotele C. & D. Thoma articulo precedentem ostendimus; unde dicobat olim Architas Pitagoreus: *Exercitum dux regit, natus nascitur, mundum Deus, hominem mens, mentem prudentia:* Atqui prudentia est virtus intellectualis, ut docet Philosophus 6. Ethic. cap. 4. & D. Thomas infra qu. 57. art. 4. Ergo imperium est actus ab intellectu elicitus, & in eo receptus.

Dices: *Oratio est in intellectu, & tamen religio, à qua procedit, est in voluntate:* Ergo licet imperium sit actus prudentiae, quæ in intellectu residet, non recte colligitur, illud ab intellectu eliciti, & in eo subjectari.

Sed contra: Licet aliquando contingere possit, quod actus minus principalis & secundarius aliquius virtutis, ut oratio respectu religionis, sit in alia potentia, in qua non est virtus; id tamen non contingit in actu præceptio & primario, qualis est actus imperij respectu prudentiae: Ergo ex eo quod imperium sit actus prudentiae, quæ est virtus intellectualis, recte inferitur, illud ab intellectu, non autem à voluntate eliciti.

Probatur secundò eadem pars: Sicut obedire pertinet ad inferiorem, ita imperare ad superiorem; quia correspondentib[us] invicem, imperare & obedire: Sed ratio seu intellectus est id quod in homine superioris & præstantius est juxta illud Aristotelis ro. Ethic. cap. 7. *Mens est corum omnium quæ in nobis sunt præstantissima:* Ergo imperare ad intellectum pertinet.

Confirmatur: Lex est quoddam præceptum & imperium: Atqui lex non est actus voluntatis, sed intellectus; unde nomine lucis in Scriptura significatur, ut patet ex illo Proverb. 6. *Mandatum lucerna est, & lex lux;* & cap. 8. gubernare & condere leges, attribuitur sapientia, quæ in intellectu residet, nam loquens de se Divina Sapientia ait: *Per me reges regnant, & legum conditores justa decernunt: per me Principes imperant, & potentes decernunt iustitiam:* Ergo imperium non est actus voluntatis, sed intellectus.

DISPUTATIO VNDECIMA.

Probatur tertio eadem pars ratione D. Th. - A
mæ hic art. I. Imperare alicui est ordinare ipsum
ad aliquid, ei intimando & denunciando quid
debeat agere, vel omittere: Sed ordinare, inti-
mare, & denunciare, solum ad rationem perti-
nent: Ergo imperium est actus rationis. Major
patet: non potest enim superior aliquid velle &
imperare, nisi ad hoc agendum hominem ordi-
nat, ei intimando vel denunciando ut illud faciat.
Minor vero probatur, quoad utramque par-
tem. Nam in primis ordinare dicit comparatio-
ne unitis ad alterum: Ergo formaliter includit
actum rationis conferens.

Confirmatur: ut enim ait Cajetanus hic art. I.
Quidquid ordinis in naturalibus & voluntariis est
à ratione proficiscitur, & in illam resolvitur: opus e-
nī naturæ, est opus intelligentie, & electiones in
quibus maximè apparet ordo, quia sunt eorum que
sunt ad finem propter finem, à consilio proficiscur-
tur, ordinante hoc ad illud.

Deinde, intimaio & denunciatio, nihil aliud
est quam quādam manifestatio, seu declaratio,
& locutio: At manifestare & loqui non pertinet
formaliter ad voluntatem, sed ad intellectum,
qui est veluti os aut lingua substantia spiritualis,
juxta illud Psalm. 36. *O justi meditabitur sapientiam;*
& licet in voce & scriptura sit manifesta-
tio & locutio, tamen non est ibi, nisi in quantum
significant locutionem, quæ est in intellectu,
nam voces & scripturæ sunt signa conceptuum:
Ergo ordinare, intimare, & denunciare, solum ad
intellectum pertinent.

Dices: imperium non solum ordinationem &
intimationem, sed etiam motionem includit:
Ergo cum ordinatio & intimatio ad intellectum
pertineant, motio verò ad voluntatem, de-
bet imperium pertinere ad utramque potentiam,
& esse quid compositum ex actu intellectus & vo-
luntatis.

Sed contra: Imperium apud omnes Theolo-
gos & Philosophos, unum aliquid denotat, seu u-
num hominis actum, sicut intentio, electio, consi-
lium, & alij actus humani: Ergo sicut illi ex actibus
intellectus & voluntatis non componuntur ex æ-
quo, sed unum important essentialiter & in recto,
alium vero præsuppositive tantum & de connota-
to, ita & imperium.

Conferatur: Quando ad aliquid constituer-
dum occurrit actus duarum potentiarum, qua-
non simili, neque ex æquo possunt concurrere,
sed una essentialiter est prior altera, & cum su-
ordinatione fe habent, non possunt etiam tales
actus illarum potentiarum ex æquo & simultane-
te concurrere, sed solum cum ea subordinatione,
qua potentia ipse, à quibus procedunt, se se-
reficiunt: constat autem quod intellectus &
voluntas se habent ut potentia essentialiter sub-
ordinata, quarum una est prior altera; siquidem
una movet alteram, & influit in illam: Ergo
actus qui ex illis potentias procedunt, non
possunt ex æquo, & quasi simultaneè confi-
tuere, seu compонere actum imperij, sed cum
subordinatione unius ad alterum, & prioritate uni-
us, ac posterioritate alterius; atque adeo in uno
debet consistere essentialiter seu substantialiter
nempe in ordinatione intimativa; in altero ve-
rò, scilicet in motione voluntatis, solum causa-
liter & præpositivè. Sicut contra electione
materialiter & elicitive pertinet ad voluntatem: ad
intellectum vero formaliter tantum & præsuppo-
sitivè, ut disp. 8. art. I. ostendimus.

Ex quo probata manet secunda conclusionis.
Ia s, quæ asserit imperium, actum voluntatis n-
ecessario præsupponere: supponit eum elec-
tionem voluntatis, à qua efficaciam motivans, lea-
vim movendi quo ad exercitum participat.
Addo quod, imperium est actus formaliter li-
ber; nam prudentia, cuius est actus, dicitur ar-
bitrio, non instinctu: Sed omnis libertas que
in actibus intellectus reperitur, à præsupposito
actu voluntatis derivatur: Ergo imperium actum
voluntatis necessario præsupponit: Unde Math.
8. postquam leprosus dixit Christo: Domine
vis, potes me mundare, Christus subiunxit: *V. te
mundare.* Que verba ut ibidem notat Hy-
ronymus non sunt, cōjunctūm legenda, ut ple-
riique Latinorum putant sed divisi & separati,
ut primum dicat, *Volo, deinde impero:* per hoc in-
ueniens, imperium auctum voluntatis necessario
præsupponere, & ab eo totam suam efficaciam
viam impulsivam mutuari.

§ II.

Alia difficultas expeditus.

Dico secundo, Imperium non esse judicium
practicum intellectus, sed dictamen ali-
quodimentale, per verbum imperativi modi ex-
pressum, quò alicui dicitur: *fac hoc.* Est contra
alios ex nostris Thomistis, qui docent imperium
consistere in judicio pratico subsequente
electionem, quod judicium *practicum* appellant; ut illud distinguant a judicio regula-
nte electionem, quod *practicum* simpliciter
dicuntur.

Probatur primò ex Aristotele, & D. Thoma,
qui, ut vidimus articulo præcedenti, tres actus
circa agibilia distingunt, nempe consiliari, ju-
dicare, & præcipere; atque ad eos elicendos di-
versas virtutes ordinari affirmant; ad bene con-
siliandum Eubulium; ad recte iudicandum Sy-
necism & Gnomem; ad bene imperandum Prudi-
entiam: Sentiunt ergo quod judicare & impe-
rate sunt actus distincti, alias non constituerent
ad illos diversas virtutes.

Probatur secundò: In omni judicio intel-
lectus inventur veritas vel falsitas: Sed in impe-
rio neque veritas neque falsitas reperitur: Ergo
imperium non est judicium etiam speciale, pro-
xime dirigens ad operationem. Minor probatur:
Nam quando aliquis imperat alteri, *fac hoc,* ne-
que dicit verum, neque falsum; quia non afferit
aliquid esse vel non esse: unde aliquis non dicit
verè vel falso alteri imperare, sed bēvel ma-
lē: Ergo in imperio neque veritas neque falsitas
reperitur.

Confirmatur: D. Thomas I. periherm. lect. 7.
dividit orationem perfectam in quinque spe-
cies, nempe enuntiativam, deprecativam, im-
perativam, interrogativam, & vocativam; do-
cetque solam enuntiativam significare concep-
tum intellectus, in quo est verum vel falso:
Sed oratio imperativa, imperium intellectus si-
gnificat: Ergo in eo neque veritas neque falsitas
reperitur.

Probatur tertio: Imperium non est judicium
antecedens electionem; nam ut ait D. Thoma
hic art. 3. ad 1. Post electionem ratio imperat: ne-
que judicium eam subsequens, quia tale judi-
cium habet modum indicativa, scilicet *veritas
endum est*, imperium autem explicatur per
verbum imperativi, v. g. *fac hoc;* unde D. Tho-
mas